

571

135

DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUESTIO MEDICA,

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis quarto mensis
Decembris, Anno Domini M. DCC. XLIX.*

M. LAURENTIO FERRET, Doctore Medico, Præfide.

An in acutis diata è folis vegetantibus?

I.



UI velociter, & cum ægrotantis periculo decurrunt morbi, vulgò acuti nuncupantur. Huc pariter referuntur, & vehementissimæ illæ febres quæ totum corpus miserè depascuntur, & illæ quæ, in aliquam corporis partem sævientem morbo, nunc pleuritidem, nunc peripneumoniam, nunc alios inflammatorios comitantur affectus. Cùm porro tantam æconomix animalis labem inferant, cùm immanibus addò totam subvertant sanitatem symptomatibus, acior contrà insurgit natura, & obstantia validiùs impellit repagula. Hinc nunquam aliàs naturæ cum morbo lucta vividior. In chronicis verò natura debilioribus armis instructa, materiæ morbificæ coctioni impar evadit, aut eam tantummodò lentis attenuat ictibus, quam in acutis, viribus in unam dimicationem collectis, eodem impetu proterit. Si in acutis quibusdam, ut soporosis affectibus, vivida hæc non deprehendas naturæ conamina, majus inde horum meritò deduxeris periculum. Sic, notante Hippocrate (a), apoplectici intra septem dies intereunt, nisi febres eos prehenderit. Cùm ergò præcipuæ sint in sanandis acutis affectibus naturæ partes, satis patet quantum in viribus conservandis, quantum in accurato diatæ regimine operæ sit impendendum. Solà scilicet diatæ plurimos morbos, eosque maximos vinci posse scribit Hippocrates. Ne te igitur Asclepiadis error decipiat, qui vires ægrotum fame sitique convellendas imperat, infirmiora viscera pleniori cibo postea obtruens. Tenuem semper & humidum febricitanti cuiusque, at ab initio pleniorum, in statu & exacerbationibus tenuissimum, in declinatione sensim adauctum victum, cum Hippocrate ægrotantibus exhibendum jube. Dum scilicet in exsuperante materiâ morbificâ debellandâ vires occupantur, de cibo detrahendum. Quò plùs virium, minùs morbi superest, cò plùs alendum, & contrà. In definiendâ tamen ciborum quantitate, morbi diuturnitatis, ægrotorum ætatis, temperiei, & consuetudinis habenda ratio. Si verò rectam ciborum inquirerenti quantitatē, tot sint observandæ cautiones, momenti sanè multæ majoris, altiori quæ digna indagine qualitas in iisdem requisita. Ad cuius notitiam solus ille perveniet, qui priùs in hisce morbis statum corporis, & humorum diathesim sedulò perpenderit.

I I.

PUTREDINEM latè in omnibus morbis acutis dominari, paululùm sive eorum causas, sive etiam effectus perscrutando, faciliè detexeris. Sæpe enim putridum miasma, à stagnanti in ventriculo saburrâ absorptum, omnem sanguinis massam infecit, & subitâ labe per omne corpus diffusâ, totam contaminavit æconomiam animale. Interdum per aëra vagatur, & afflatu putrido urbibus sæpe & regionibus pestilentialia febres, & omne putridorum morborum genus invehit. At sæpiùs à calido humidoque

A

(a) 2. de morbis, li. aph. §1. Scilicet VI.

acrie retenta excrementa corporis insensilia, intrâ propria vasa corrumpuntur, & brevi putredinem inducunt. Quot à tetrâ hâc lue morbi ex acutorum profapia oriuntur, satis constat. Sed plures adhuc tanquam effectus excipit putredo. Pluribus enim acutis febribus insidet. In statu porro naturali, motu vitæ necessario rapti humores, in alkalinan brevi tempore vergeant acrimoniam, nisi huic præcavendâ aptissimus, novus & blandus perpetuò suppeteret chylus. Hoc satis testantur è sanguinis massâ post diuturnum jejuniū secreti humores, ut saliva, urina, &c. Si ergò vividior fiat humorum motus, intensior vita, major inde merito pertimescenda alkalescentia. Hanc in acutorum plurimis adesse putredinis causam, satis probat fervens quo ægri plerumque deuntur calor, nova putredinis ipsemet origo. Calorem præcipuum esse putrefactionis instrumentum, nemo non novit. Si de pravâ hâc humorum qualitate sanius adhuc ferre velis judicium, excreta consulas. Urina salâ & acerrima non dubias promptæ in alkalinam indolem preclivitatatis notas præ se fert. A magnis quas in vesicâ procreat irritationibus, frequentior & parcius ipsius emissio. Eandem bilis qualitatem demonstrant, Medico sæpissime negotium facessentes biliosi vomitus, biliosæ diarrhææ. Major adhuc in eo posita est alkalescentiæ ratio, quòd tam acria excrementa partibus crethifis contractis, intrâ sanguinis massam sæpenuerò detineantur. Quot porro putredinis causas! Quapropter nil mirum, si è cadaveribus hisce morbis percipitorum tetrâ adedò spargatur mephitis, plurimæque viscerâ putrefacta reperiantur. Nec te moveat, quòd sæpe in acutis inflammationum humorum inculent densitatem, quæ vi solidorum adauctâ, vividiori calore, tenuioribusque dissilatis partibus, in causâ præsertim, & fervidissimis altivis febribus observatur. Ut enim inflammatio in gangrænâ, sic inflammatoria sanguinis densitas in putredinem facile definit, ubi omnia vi vitæ intensiori ita compacta fuerint fluida, ut jam oriatur imbecibilitas, & post rapidissimum motum, liquido quies & stagnatio contingat. Hanc verò summè metuendam, omni ope atque operâ prævertendam, satis indicat anxietas illa proximæ imbecilitatis prænuntia, quæ hisce morbis adedò familiaris, Hippocrate Boerhaavioque notantibus, deprehenditur. Medico itaque in his affectibus incumbit, pravam humorum qualitatem emendare, æstum compescere, benignæque viscositatem inflammatoriam resolvere. Dieta ergò accescens, refrigerans, & resolvens præ cæteris eligenda.

I I I.

EDuplici tantum regno suppeditatur alimentum materia, vegetabili scilicet & animali. Minérale condimentum largitur, non utile nutrimentum. Id in materiâ nutritiâ necessario requiritur, ut in nostram possit alterari substantiam. Porro perpetuò mutari, novas perpetuò formas inducere, solis animantibus æquè ac vegetantibus concessum. Per longam annorum seriem immutata perstat mineralium compages. Solum in utroque hoc regno mutationum quarumcumque principium, pars mucosa. Sola ergò & nutritioni materia. Præ cæteris igitur nutritiâ pollent facultate, quæ copiosorem mucaginem præbent, ut graminea, farinacea, quæ subdulci visciditate mucidum produunt. Quamvis mucida ex animali & vegetabili regno deprompta, alibili virtute prædita sint, ingens utrorumque diversitas. Quæ tamen omnis in majori minorive principiorum ea constituentium posita est alteratione. Quædam vegetantibus aluntur animalis dictis, plantivora idedò dicta. Hæc aliis animalibus ferociori donatis indole carnivoris dictis, alimentum præbent. Omnia denique ab homine erudiâ ingluvie indiscriminati vulgò usurpantur. Id omne cui nutriendi munus incumbit, plurimas antea mutationes experiatur necesse est. Cum ergò vegetantia præbeant animalibus alimentum, primum ab ipsis materiæ nutritiæ rudimentum mutamur; animalia verò quæcumque mutationes vegetabilibus majores experta esse luculenter patet. Verum quo plus corpus quoddam alteratur, cò magis ipsius attenuantur molecule, cò laxior fit principiorum nexus, & ad sui destructionem, putredinem nempe, propius accedit. Magis ergò vegetantibus animantia ad alkalinam vergere acrimoniam, suadet ratio. Idem docet chemica analysis, è prioribus, quibuscum tamen exceptis, acida, è posterioribus alkalia volatilia, olea foetidissima educens. Si de effectu mutationum quis subeunt vegetantia, priusquam regnum ingrediantur animale, certior adhuc esse velis, semimutatum alimentum contemplare: plantivororum animalium lac inspicere. In eo partim vege-

abilem, partim animalem deteges indolem. Serum enim lactis vegetantium ritu sponte acescit. Secus autem de parte caseosa. Hæc enim chemico subiecta examini, non jam acidum spirat, sed in alkalinam sponte degener indolem, animale quid sapit. Quod huc usque docuit ratio, chemica comprobavit analysis, quotidianis confirmatur experimentis. Carnes enim animalium in æstivis caloribus, si præsertim simul addit ætris humiditas, intestinum pati motum, brevique putrido rabo disfluere, omnes norunt. Vegetantia contra, si quædam exceperis, in oppositam potius vergunt acrimoniam. Hordei, avenæ, & similia farina citò acescunt. Sed non eadem est omnibus animalibus ad putredinem proclivitas. Suus cuique generi servatur gradus. Sic carnivora, quæ jam ab alio subactus animalivegetantium succus alit, principis simul tenuioribus, ut rationi, sic experimentis consentaneum est. Hinc multò citius quàm plantivora quavis putredine disfluit. Inter carnivora, quæ minor exercuit motus, minùs putredinem concipere æquum est. Hinc qui ferinà carne, cursuque exercitâ abutuntur, salibus acidisque tanquam utili condimento cibum corrigere, brevique prosterndum erigere coguntur appetitum. Nec mirum tamen, si qui iis immoderatè aliuntur putridis morbis vivant obnoxii.

I V.

CUM tantà per se in putredinem propensione inclinent animalium carnes, quæ ex iis desumuntur alimenta, novâ præsertim partium attenuatione per ignem conciliatâ, ut in jusculis habemus, omnia alkalescentiam affectent necesse est. Si verò in animali cui creduntur denuò tenuanda, vividior motus, calor intensior, agentium organorum vis major & efficacia in novam concurrent alterationem inducendum, quantò facilius enascetur putredo. Liquer inde, quantum sæpe intempestivè exhibita animantium juscula, damnum in acutis improvisò inferant. Hinc Helmontius de diartâ cæteroquin ægrotum satis parum sollicitus, febricitantibus animalium carnes & earum juscula prohibet. *Ladunt namque febriles, quia caro, ova, pisces, & juscula facile cum cadaverantur, ac minime nutritum (a).* Nil talè à vegetantibus metuendum; contra verò medicamentis præberi alimenrum. Summa humorum acedini, occurrit ipsorum acescentia. Densitari humorum præter modum auctæ, vis leniter lubrica saponaceam præferens indolem, nederit ita efficaciter, ut nullum aliud meliùs auxilietur remediù, quàm quod ex diateticis desumitur. Summa præterea nutritis materiæ vim humoribus quæddam, quæ eò nutrit magis, quò magis acrimonie resistit inconcussa. Hæc omnia rectâ partium se se mutuò contemperantium, mediocritate, præ cæteris habet hordei ptisana, quam commune omnibus acutis alimentum voluit Hippocrates. *Lentorem, inquit (b), habet lenem, & continuum, & suavem, & lubricum, & mediocriter humescentem, & si quid elui debet probè abluentem.* Si majus incuriat periculum, suis se se prodens nec dubiis indiciis putredo, habes unde eam efficacius retundas in aceto, cui primas in omnibus morbis quos dira asslavit putredo, rectè concesseris. Si putredini juncta se se obtulerit infelici connubio densitas inflammatoria, quin tu cum antiquo medicinarum parente, rejectis officinalibus illis titulo quàm virtute insignioribus medicamentis, ad oximel confugas. Saponaceum hoc simul & acescens est duobus vegetabilibus compositum, æstum compescere, putredinem retundere, & inflammatorios nexu solvere, ante omnia aptum est. Quòd si verò extrâ ipsam naturam medicamenta quætere noluieris, has simul junctas in horæis fructibus largietur ipsa virtutes. Lenis ipsi saponaceique succus. Eminent etiam putredini adversa aciditas. Hinc in ætate familiares. Hinc in ætutibus locis aq̃dò vulgares. His fretus ratiociniis Boerhaavius, quantumvis in ipsum insurgerent ignari, tanto cum successu, in putridis & inflammatoriis morbis, hosce fructus usurpabat. Quid jam tantis rationum momentis, appetitum ipsum ægrotantium placeat addere? Carnes certe horrent, & de carnibus magno labore extracta juscula fastidiunt. At hordei decocta, fructus liortos, & similia avidè arripiunt.

V.

NOSTRAM opinionem quorū comprobant argumenta! Ad hanc defendendam multiplicis generis rationes, analogia, spontaneus ipsemet ægrotum appetitus videntur conspire. Quid plura? An tibi magis in hisce rebus ardueretur medicorum authoritas? Veterum & recentiorum scripta evolve. Huic semper sententiæ suffragan-

(a) Helmont, de febribus, cap. 12. N.º. 4. pag. 772.

(b) De rat. viâ, in Ac.

tem videas eorum doctrinam. Sic primus inter veteres Hippocrates, solâ hordei pitânâ, aut ipsius cremore vel succo utebatur. Sic etiam Sydenhamus, carniū jusculis prorsus exulare iussit, avenacea tantummodò exhibebat. Eadem hæc ubique commendat Boerhaavius. Cur ergò dubius hæres in tam felici omnium omnis ævi medicinæ principum consensu? Verùm, inquis, multa morantur & assensum cohibent. Plurimis nimirum, quæ ciborum coctioni inserviunt, læsis functionibus, facilius assimilandum requiritur alimentum. Ad hoc nulla æquè instructa sunt ac animantia, utpotè quæ magis elaboratis consent moleculis, & ad nostram propius accedant naturam. Contrà verò vegetantia, & inter hæc præcipuè cerealia, hordeacea, avenacea, crassioribus conflata particulis, difficilidus digerendum præbent alimentum. Hinc sepiissimè motu fermentationis eorum prius attenuanda crassities, laxanda tenacitas. Hæc præterea, cùm majori indigent elaboratione, viribus ægri tam citò refocillandis imparia. Quæ etiam primâ facie aliquam rationis speciem præ se ferre videntur argumenta, faciliè tamen convelli possunt. Subtilioribus & magis elaboratis constare moleculis animantia nedum diffiteamur, de hoc ipso conquerimur. Hinc in acutis affectibus, in alkalinam tam faciliè vergunt acrimoniam, pravam humorum adaugent diatheses, vividioresque passus mutationes, nutritioni nedum inserviant, in excrementa facescunt putrescentia. A vegetantibus non fermentatis, & crudis assumptis, plurima, fatetur, insurgerent incommoda. Verùm fermentationis vices rectè supplet ebullitio. Hujus enim ope crebrò sibi occurrentes horum mucidorum moleculæ se se collidunt & atterunt. His multum favent aquæ inter ipsorum partes incuneatio, aeris contenti vis, ipsius à calore incretenscens expansio. Hinc mucida attenuantur, unionisque soluto nexu, facili coctioni evadunt idonea. De hordeo ebullitionem passò sic loquitur Hippocrates (a). *In ventriculo non intumesct; citius etiam imbecillus est, & facillimè concoquitur.* Cæterum ægrorum temperies & consuetudo, quasdam in acutiorum diætâ varietates afferre queunt. Sed cùm in genere, omnia vegetantium diætâ comprobent eligendam, meritò inquirimus.

(a) De rat.
vict. in f.c.

Ergò in acutis diætâ è solis vegetantibus.

DOMINI DOCTORES DISPUTATURI.

M. Carolus-Ludovicus Liger,

M. Franciscus-David Herissant,
à Regiâ Scientiarum Academiâ & Chirurgiæ Professor designatus.

M. Joannes-Baptista Boyer,
Regis Consiliarius Medicus in supremo Senatu ac in Præfecturâ Parisiensi, Sereuissimæ Cænomanensium Ducis Medicus ordinarius, Censor Regius, Regiæ Societatis Londinensis Socius, & utriusque Pharmacæ Professor designatus.

M. Joannes-Stephanus Guettard, Regiæ Scientiarum Academiæ Socius, Censor Regius & Sereuissimæ Aurelianensium Ducis Botanicus.

M. Jacobus-Franciscus le Côté de la Sourdière,

M. Bernardus de Jussieu, Regiæ Scientiarum Academiæ, Regiæque Societatis Londinensis Socius & in Horto Regio Botanices Prædemonstrator.

M. Natalis-Maria de Gevignand.

M. Joannes-Franciscus Iser,

M. Joannes Astruc, Salubris Consilii Regii Socius, Regis Poloniarum Augusti, Electoris Saxonie, dum viveret, Medicus Primarius, Professor Regius & Scholæ Professor designatus.

Proponebat Parisiis ANNA-CLAUDIUS DORIGNY, Parisinus,
Saluberrimæ Facultatis Medicinæ Parisiensis Baccalaureus,
A. R. S. H. 1749, à sextâ ad meridiem.

Typis QUILLAU, Universitatis & Facultatis Medicinæ Typographi, 1749.